

Headlines

- 1 प्रधानमंत्री नरेन्द्र मोदी होरें भरोसा जताया ऐ जे औने आले ब'रें च भारत ते रूस बश्कार सरबंध होर निगगर होंगन। उनें हर किस्मै दे आतंकवाद दी सख्त निंदेआ कीती।
- 2 प्रधानमंत्री मोदी होरें आखेआ ऐ जे सरकार दा लक्ष्य अपने त्रीए कार्जकाल च भारत गी दुनिया दी त्रीह सबबने शा बड्डी अर्थबवस्था बनाना ऐ।
- 3 राष्ट्रपति द्रौपदी मुर्मू ते रक्षा मंत्री राजनाथ सिंह होरें कठुआ हमले दी निंदेआ करदे होई इस हमले च जवानें दे शहीद पर गैहरा दुख प्रकट कीता ऐ।
- 4 कठुआ आतंकी हमले दे बाद पूरी जम्मू श्रीनगर राष्ट्रीय जरनैली शिडकै पर सुरक्षा बवस्था निगगर करी दितती गेदी ऐ।

<><><><><><>

PM-Putin Meeting

प्रधानमंत्री नरेन्द्र मोदी होरें भरोसा जताया ऐ जे औने आले ब'रें च भारत ते रूस दे सरबंध होर निगगर होंगन। अज्ज रूस दे राष्ट्रपति ब्लादिमीर पुतिन हुंदे कन्नै अपनी बैठक दरान उनें आखेआ जे पिछले कोई 10ए ब'रें च एह ब्लादिमीर पुतिन हुंदे कन्नै उंदी 17मीं मलाटी ऐ ते पिछले 25ए ब'रें च 22 दपक्खी बैठक। प्रधानमंत्री होरें आखेआ जे एहदे नै उंदे सरबंधें दी गैहराई दा पता लगदा ऐ। उनें आखेआ जे पिछले 40ए –50ए ब'रें दा भारत आतंकवाद दा मकाबला करा करदा ऐ ते इस करियै जिसलै रूस च कोई आतंकी हमला होंदा ऐ तां ओ ओहदी तकलीफ बी समझी सकदे न। मोदी होरें हर चाल्ली दे आतंकवाद दी सख्त निंदेआ कीती। उनें आखेआ जे पिछले 5ए ब'रें दरान दुनिया गी केई चुनौतिएं दा सामना करना पेआ ऐ जियां जे कोरोना महामारी ते ओहदे बाद केई गतिरोध। मेदी होरें भारत रूस सैहयोग दी सराहना करदे होई आखेआ जे एहदे नै भारतीय करसानें ते उपभोक्ताएं गी फायदा पुज्जा ऐ। उनें आखेआ जे जिसलै दुनिया गी तेल-पेट्रोल दा संकट दरपेश हा उसलै रूस दे समर्थन कन्नै भारत दी मदद होई ते भारत दे लोकें गी दुनिया दे बाकी देशें आंगर तेल दी मँहगाई दी मार दा सामना नेई करना पेआ।

<><><><><><>

PM-Indian Community

प्रधानमंत्री नरेन्द्र मोदी होरें आखेआ ऐ जे सरकार दा लक्ष्य अपने त्रीए कार्जकाल च भारत गी दुनिया दी त्रीह बड्डी अर्थबवस्था बनाना ऐ। रूस दी राजधानी मास्को भारतीय समुदाय गी संबोधत करदे होई मोदी होरें आखेआ जे अज्ज दा भारत जेहड़ा बी नशाना मित्थदा ऐ जां लक्ष्य तैह करदा ऐ उसी पक्का गै हासल बी करदा ऐ। उनें आखेआ जे त्रीह बारी सरकार गठन दे बाद प्रवासी भारतीय समुदाय कन्नै एह उंदी पैहली मलाटी ऐ। प्रधानमंत्री होरें आखेआ जे उनें इस गल्लै दा धेइया कीते दा ऐ जे ओ अपनी सरकार दी त्रीए कार्जकाल दरान त्रै गुणा मती ताकत ते त्रै गुणा मती रफतार कन्नै कम्म करगन। उनें गलाया जे अज्ज भारत विश्व गी डिजिटल लैन-देन दा सबबने शा भरोसेमंद मॉडल उपलब्ध करा करदा ऐ ते समाजी क्षेत्र दिएं बेहृतरिन नीतिएं राएं नागरिकें दा सशक्तिकरण करा करदा ऐ। प्रधानमंत्री होरें आखेआ जे पिछले 10ए ग'रें च भारत नै जिस रफतार कन्नै विकास कीता ऐ उसी दिक्खियै पूरी दुनिया रहान ऐ। उनें आखेआ जे दुनिया भरै थमां भारत औने आले लोक हुन आखदे न जे भारत बदला करदा ऐ। उनें आखेआ जे भारत च एहू बदलाव शड़ा बवस्था ते बुनियादी ढांचे च गै नेई आया ऐ सगुआं हर इक नागरिक ते नोजवान दे अंदर बी एहदी झलक सु दिक्खने गी लब्धा करदी ऐ।

<><><><><><>

PM-Tomb Solider

प्रधानमंत्री नरेन्द्र मोदी होरें अज्ज रूस दे मास्को च बेपंछानु सैनिक दिएं कबरें थाहर बने दे स्मारक पर श्रद्धांजलि अर्पित कीती। एहू बेपंछानु सैनिकें दा स्मारक मास्को दे क्रेमलिन दवारै उपपर स्थित इक युद्ध स्मारक ऐ। एहू उनें सोवियत सैनिकें गी समर्पित ऐ जिनें दुए विश्व युद्ध दे दरान अपनी जान गोआई ही।

<><><><><><>

Pradhan Education

केन्द्री शिक्षा मंत्री धर्मेन्द्र प्रधान होरें राज्यें ते केन्द्र शासत प्रदेशें कोला सैहयोगात्मक शिक्षा बवस्था तैआर करने लेई रलिमिलियै कम्म करने दा आह्वान कीता ऐ। ओहू अज्ज नमीं दिल्ली रात्यें ते केन्द्र शासत प्रदेशें कन्नै स्कूली शिक्षा ते साक्षरता विभाग दी समीखा बैठक दे उद्घाटन समारोह गी संबोधत करा करदे हे। उनें स्कूली शिक्षा दे समग्र ते पूरे पराते विकास लेई अगले 5एं बरें दे खाकें पर अपने बचार रखे। उनें आखेआ जे प्रधानमंत्री नरेन्द्र मोदी हुंदे विकसित भारत आले नजरियै दा शिक्षा इक महत्वपूर्ण थम्म ऐ। उनें राज्यें ते केन्द्र शासत प्रदेशें गी आखेआ जे इस सुखने गी मूर्त रूप देने लेई ओ किट्ठे रलियै कम्म करन। उनें आखेआ जे राश्ट्री शिक्षा नीति दी असरदार ढंगै सिर अमलावरी भारत गी ज्ञान दी इक महा शक्ति बनाने ते मयारी शिक्षा तगर बरोबर ते समावेशी पुज्ज गी जकीनी बनाने दी कुंजी ऐ।

<><><><><><>

Ramban Medical Camp(byte)

रामबन जिले च जम्मू-श्रीनगर जरनैली शिडक एनएच44 उपपर सेहत विभाग नै अमरनाथ यात्रिएं आस्तै मैडिकल कैंप लाए दे न। नाशरी थमां लेइयै बनिहाल तोड़ी 12 मैडिकल कैंप लग्गे दे न। इंदे च चन्द्रकोट दे यात्री निवास ते बनिहाल च लंबर लंगर थाहरें उपपर 4 बैङ्के आले मैडिकल सेंटर बी शामिल न। इस बारे चीफ मैडिकल अफसर कमल जी जाडुं हुंदा आखना ऐ इस बारे किश यात्रिएं अपने बचार इस चाल्ली रखे।

<><><><><><>

SBI-RSETI Training

उधमपुर जिले च महिला सशक्तिकरण गी बढ़ावा देने दे मकसद कन्ने भारतीय स्टेट बैंक दे ग्रामीण स्वरोजगार सिखलाई संस्थान महिलाएं ते कुड़िएं गी टल्ले सीने दी सिखलाई देने लेई 1 म्हीने दा मुफ्त कोर्स चलाया जा'रदा ऐं इस सिखलाई कन्नै महिलाएं गी कपड़ा कटटना ते टल्ले सीने दी महारत हासल होंदी ऐ ते ओ आत्मनिर्भर बनदियां न। एहूदे नै उंदा आत्म विश्वास बघदा ऐ ते अपने पैरे पर खड़ोइयै आर्थिक तौरा पर बी ओ आत्मनिर्भर बनदियां न। संस्थान दे डरैक्टर राजन कट्टक होरें आकाशवाणी कन्ने गल्ल करदे होई दस्सेआ.....बाईट
साढे जिला संवाददाता नै किश लाभार्थिएं कन्ने बी गल्ल कीती.....बाईट

<><><><><><>

Prez-Terror Attack

राश्ट्रपति द्रौपदी मुर्मू होरें कठुआ च फौज दी कानवाई पर होए दे आतंकी हमले पर गैहरा दुख प्रगट करदे होई आखेआ ऐ जे इस बुजदलाना हरकत दी सख्त निंदेआ कीती जानी लोड़चदी ऐ ते इस चज़ाली दिएं वारदातें गी अंजाम देने आलें कन्ने तगड़ेयाई कन्नै निबड़ेआ जाना लोड़चदा। अपनी इक सोशल मीडिया पोस्ट पर राश्ट्रपति होरें आखेआ जे अपनी जिंदू दा बुलिदान देने आलें इनें बहादुरें दे परोआर आले कन्नै उंदी पूरी हमदर्दी ऐ जेहूडे आतंकवाद दे हर रूप दा तगड़ेयाई कन्नै मकाबला करने लेई दिन रात डटे दे रौंहदे न। राश्ट्रपति होरें इस हमले च घायल जवानें दे तौले नरोए होने लेई प्रार्थना कीती।

<><><><><><>

Rajanth Army

रक्षामंत्री राजनाथ सिंह होरें बी कठुआ जिले च होए दे आतंकी हमले च भारतीय फौज दे 5 सैनिकें दे जानी नुक्सान पर गैहरा दुख प्रगट कीता ऐ। उनें आखेआ जे दुखै दी इस घड़ी च समूलचे राश्ट्र शहीदें दे परोआरें कन्नै खड़ोते दे दा ऐ। उनें दस्सेआ

जे आतंकवाद रोधी कारवाइयां बरोबर जारी न ते साढे सैनिकें समूलचे खित्ते शांति, रमानदारी ते खुशहाली आनने दी पक्ख घेआई दी ऐ। रक्षा मंत्री होरें घायलें दे तौले नरोए होने दी प्रार्थना कीती। तोआई फौज नै पुंछ जिले दे कृष्णा घाटी सेक्टर च नियंत्रण रेखा दे कोलां दा इक पाकिस्तानील ड्रोन गी दिक्खियै ओहदे पर गोली चलाई जेहदे पर ओ पाकिस्तान दे कब्जे आले इलाके च वापस उठी गेआ। एहदे बाद फौज नै उत्थें तुनाई कारवाई शुरू कीती तां जे एह जमीनी बनाया जाई सकैजे इस ड्रोन नै कोई थेआर जां होर कोई चीज ते उत्थें नेई सुट्टी की जे मती बारी पाकिस्तानी कब्जे आले इलाके थमां थेआर जां नशीले पद्धार्थे इत्त बक्खी पुजाए जंदे न। जम्मू कश्मीर पुलसै बन्ने पारा औने आले ड्रॉस दे बारे च कोई जानकारी देने आलें लेई 3 लक्ख रपे दे इनाम दी घोषणा कीती दी ऐ।

<><><><><><>

Security NHW

कठुआ जिले च 5 सेना दे जवानें दे शहीद होने दे बाद जम्मू श्रीनगर जरनैली शिड़कै पर सुरक्षा होर मती करी दित्ती गई ऐ। कल दपैहरी कठुआ जिले दे मछेड़ी इलाकें च आतंकवादिएं सैनिकें दी कानवाई उपपर हमला कीता। जेहदे च 5 जवान शहीद होए न ते केई जवान जख्मी बी होए। सेना दा आखना ऐ जे सैनिकें ते आतंकिएं दे बश्कार हुन बी उस थाहरै पर टाकरा जारी ऐ। इस हमले दे बाद उधमपुर च एनएच44 उपपर सीआईएसएफ, सीआरपीएफ ते सैनिकें गी बी जम्मू कश्मीर पुलस कर्मिएं समेत तैनात कीता गेआ ऐ। अज्ज अमरनाथ यात्रा दे यात्रिएं दा 12मां जत्था निकलना हा जेहदे करी एह गैह पुट्टी गई। यात्रुएं दी सुरक्षा आस्तै सुरक्षा दे कड़े इंतजाम कीते दे न। तोआई जख्मी होए दे 5एं सैनिकें गी इलाज आस्तै पठानकोट मिल्द्री अस्पताल पजाया गेआ। 9 जून थमां लेइयै हुनै तोड़ी रियासी, कठुआ ते डोडा च चळं थाहरें पर आतंकी हमले होइ गे न, जिंदे च 9 यात्रुएं ते इक सीआरपीएफ दे जवान ने जोन गोआई। इक आम नागरिक समेत 7 सुरक्षाबल जख्मी बी होए। एहदे शा पैहले केन्द्री गृह मंत्री अमित शाह होरें जम्मू कश्मीर दे सुरक्षा दुश्य गी ध्यान च रखदे होई सुरक्षा अर्जेसिएं गी निर्देशित कीता हा, जेहदे ओह संचालित ढंगै सिर इस सुरखा प्रतिक्रिया गी जकीनी बनान।

<><><><><><>

Dhami Terror Attack

उत्तराखंड दे मुखमंत्री पुष्कर सिंह धामी हुंदा आखना ऐ जे कठुआ जिले च होए दे आतंकी हमले च शहीद होए दे 5 जवान उत्तराखंड दे न। उनें गलाया जे इनें 5एं शहीद होए दे जवानें दा बलिदान व्यर्थ नेई जाग। उनें इब्बी आखेआ जे एह साढे सब्बनें आस्तै बड़ी गै दुखै दी घड़ी ऐ। उंदा आखना ऐ जे साढे बहादुर दिल जवानें साढे उत्तराखंड दे समृद्ध सैन्य परम्परा गी कायम रखदे होई एह बलिदान दित्ता ऐ ते इंदा एह बलिदान व्यर्थ नेई जाग।

<><><><><><>